



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 142. Ludovici XIV. Galliarum Regis edicta contra Hugonottas.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

valvis Ecclesiæ abreptam lacerabant: Sæc. XVII.
 Interim vero Regis literæ die prima A. C. 1669.
 Februarii datæ ex oppido S. Germani
 in Laya ad Episcopum deferebantur,
 quibus decisum, quod Jesuitæ adversus
 Episcopi sententiam intra semestre jura
 sua exponerent, interim vero ejusdem
 Episcopi decreta exacte exequerentur:
 Hi ergo Regis indignationem præveni-
 turi, Episcopo die undecima Februarii
 significarunt, se ad tollendam populi
 offensionem consultum censuisse, ut,
 non obstante suo confessiones excipiendi
 jure, sacro huic Ministerio abstinere-
 rent, sui que Collegii Ecclesiam ita clauderent,
 ut illud duntaxat suis Scholari-
 bus apertum esset, salvo tamen jure
 ulterius sacras sui Ordinis functiones
 exercendi: cum ergo cedere videren-
 tur, opera Sabasani Tolosani Metropo-
 litanæ Curie Promotoris, qui Socie-
 tati apprime addictus erat, tandem
 hæc controversia composita est.

§. CXLII.

*Ludovici XIV. Galliarum Regis e-
 dicta contra Hugonottas.*

Ineunte anno hujus sæculi sexagesimo Hode Hist.
 nono Ludovicus XIV. Franciæ Rex de Louis
 pro eo, quo flagrabat. Catholicæ Re- XIV. 4. 32.
 ligionis studio Calvinistis sectam suam Calmet Hist.
Univ. l. 154.
Hist. de l'E-
dict. de Nant.

Hist. Eccles. Tom. LXIII.

Cc

di-

Sæc. XVII. dilatandi, necnon seditionis in Regno
 A. C. 1669. suum concitandæ fomitem subtrahere
 adlaborabat, haud immemor, quam
 furore primis jam annis, quibus eorum
 secta in Galliis vix adolefcere cæperat,
 jamjam in Reges suos tumultuaria
 atque Ambasiana conspiratione univer-
 sam Familiam Regiam regnante Fran-
 cisco II. e medio tollere, Carolum
 evocato extero milite debellare, cre-
 brisque præliis fatigatum ad Melan-
 intercipere, Henricum II. Cutracen-
 pugna devictum ad incitas redigere,
 Henricum IV. ad pacta fidei, ac Re-
 giæ auctoritati noxia compellere,
 Ludovicum XIII. e Regno armis detur-
 bare attentarint: Tot igitur seditionum
 bellorum & rebellionum, quas Hugon-
 nottæ in Galliis continuo concitaverunt,
 probe gnarus Rex, die prima Februarii
 adversus hosce Sectarios mandatum
 quadraginta novem articulis compre-
 hensum promulgari jussit. Prohibitum
 ergo illis fuit, ne concionarentur extra
 loca eis indulta, nec eorum Prædica-
 tes se Ecclesiæ Pastores, sed dumtaxat
Ministros existimatæ Religionis reformate
 nominarent; quoniam vero jam sæpius
 Ludovicus XIII. Calvinistis in Alençon-
 niensi, Charentoniensi, & Juliodunensi
 conciliabulo congregatis inhibuisset, ut
 Papam *Antichristum* & Catholicos in
 solatru

lolatras vocitarent, aut Romanæ Ecclesie ritus & Sacramenta velut hominum commenta verbis indecentibus traducerent, ipsi vero audacter repone-
 rent, quod in hoc obedire non possent, eoquod his loquendi formulis jam in prima fidei suæ confessione usi essent, & his convitiis Patrum suorum doctrinam, & schismatis sui fundamentum causamque exprimerent, hinc Rex eorum contumacem petulantiam efficacius repressurus, suo edicto rursus prohibuit, ne quicquam contra religionem Catholicam proferre auderent: quamvis id aliunde ratio, æquitas & charitas Christiana ab eis exegisset. Vetavit insuper, ne talari toga extra eorum fanum uterentur, nec matrimonio Catholicæ personæ cum Calviniana assisterent, minus vero cum exteris provinciis in Religionis negotio commercium habere, aut sub charitatis obtentu literas mittere, vel aliarum Synodorum appellationes recipere præsumerent, nec ullam Synodum sine Regis consensu, & regii Deputati præsentia habere, vel privatos conventus & colloquia instituere, vel de Matrimoniorum valore judicare attentarent. Insuper eis inhibitum, ne eos, qui proles suas ad Catholicorum Ecclesias vel Scholas mittunt, puniant, vel suos

Sæc. XVII. mortuos in Catholicis cæmeteriis sepeliunt, aut suorum cadavera ante fores suæ Domus exponant.

Eodem etiam mandato eis injunctum, ut nullus ex illis, etsi ceteris Senior in ulla Regia Curia Præsidere agat, nec causæ publicæ urbium & Communitatum utilitatem spectantes ad eorum tribunal pertrahantur, in Occidania & Aquitania, necnon in aliis civitatibus mixtis primus Consul sit Catholicus, & Senatores ad minimum numero æquales: nec tamen Calvinianis Occidaniæ comitia frequentare liceat. Serio etiam Hugonotis præceptum est, ut quando SS. Eucharistia in solemnæ supplicatione prope Calvinistarum Templum defertur, ipsi æque ac Catholicæ ædes suas tapetibus instruant, & tandem a suarum cantilenarum murmure cessent, donec SS. Sacramentum pertransiisse animadverterint, si vero aliter Calvinistis SS. Sacramentum obviam ipsi aut secedant, aut reverentiam exhibeant: Infantes ex Patre aut matre vel olim Catholico nati, in fide Catholica Baptizentur, & educentur, etsi Mater sit Calviniana: observentur denique Calvinistæ festos dies ab Ecclesia proscriptos, nec illis diebus officinas aut tabernas aperiant. Præterea Rex tribunalia, quæ ipsis olim erant

concessa, suppressit, tanquam supervacanea, eoquod in Regia Curia suæ sectæ Deputatum aliunde haberent. Hæc decreta, ut fertur, pro edicto Nanetensi suæ puritati restituendo condita Parlamentum Rothomagensis integra fide exequatur, Parisiense autem, forte quod Calvinistis plus æquo adhuc indultum crederet, ea integro quadrimestri ad acta referre cunctabatur: Hugonotæ autem fidem sibi datam violari, suæque sectæ libertatem imminui, vehementer questi, pro more suo exterorum Principum opem implorabant, tantaque importunitate Electorem Brandenburgicum urgebant, ut Ludovicus Rex hæc edicta temperare, & declarationem anno hujus sæculi sexagesimo sexto editam aliis articulis in Calvinistarum favorem explicare cogeretur: cum vero compertum haberet, quod Calvinistarum plurimi fanatico suæ sectæ æstro abrepti e Regno excederent, atque in exterarum Regiones transmigrarent, Mense Decembri edictum promulgari jussit, vi cujus ipsi æque, ac ceteri omnes ejus subditi indicta bonorum proscriptione domicilium extra Regnum figere prohibebantur. His pluribusque aliis edictis Rex Nanetensi edicto, quod Calvinistæ seditiosis armis extorserant, revocando sensim prælusit.

Sæc. XVII.
A. C. 1669.